

ديوان

همس المشاعر

(أشعار بالعامية المصرية)



للشاعرة : بتول العتري



حقوق الطبع والنشر محفوظة
لدار الأديب للطبع والنشر والتوزيع

لا يجوز طبع أو نشر هذا الكتاب دون الحصول على إذن خطي من الناشر لاستخدام أي مادة من مواد هذا الكتاب أو نسخها أو إعادة نشرها أو نقلها كليا أو جزئيا بأي شكل وأي وسيلة سوف يقع تحت طائلة المسائلة القانونية.

دار الأديب للطبع والنشر والتوزيع

همس المشاعر.. (الطبعة الأولى)

((بتول العتري))

2021/14800 بدار الكتب المصرية

تصميم واخراج .. دار الأديب .



daraladeeb@Gmail.com

Tel: 002- 01014449164

اسم الدار

اسم الديوان

اسم الشاعرة

رقم الإيداع

الإخراج الفني..والغلاف





المقدمة

ومازلت أحلم بعالم لا تشوبه شائبة..

ومازال القلب يخفق لكل جديد..

ومازالت الذكريات تحوم بمخيلتي

ومازال الهمس يشجيني ويطربني

ومازلت أتشوق للأمل البعيد..

ومازلت الطفلة التي تلعب بدميتها صباحاً.. ومساءً

ومازلت الأنثى التي تنتظر أن يهاتفها الحبيب

ومازلت المسجاة على أريكتي أنتظر ضوء الفجر

ومازال الليل يسري كنيباً بوحدتي

ومازال يتكرر الألم ويورقني





وما زالت الريح تأتي لتفتersh لي الطريق
وما زال البعيد يضمنني بقصته المتهالكة

مازلت .. وما زلت .. ومازلت !!

نقطة في بحر من الأوهام

أصرخ بكل قوتي..

فهل يا ترى عرفت نفسي..

بهذه الكلمات أفتتح ديواني الجديد همس الشاعر والذي يعبر في بعض
كتاباتة عما يختلج النفس من مشاعر وما شاهدته وعايته من قصص
دارت مع أشخاص أعرفهم .

ديواني الجديدة هو صفحة أردت أن يطلع عليها متابعيني وقد اقتصرت
فيه على الشعر العامي وربما يقول البعض ان بعضه يصلح للغناء.





ولم لا فأمنيّتي أن تتوج كلماتي بأصوات جميلة وترسخ في نفوس وعقول
من يسمعها.

دعواتكم أيها الأصدقاء وعسى الله أن يحقق بغيتي وأنال بعضاً من
التوفيق.

وفي الأخير ممتنة كثيراً لدار نشر ((الأديب)) التي ساعدت في ظهور هذا
الديوان وأأمل أن يحصل على اعجاب من يقرأه.

دمتم في أمان الله وإلى عمل جديد باذنه تعالى.

م/ بتول العتري ..





بعد القصص !!..

وكتبت أنا مليون قصيده
بين القديمة والجديده
أحكي وأقول..
أشكي الأفول..
وأنت مالکش أيام سعيده
أهملتني زي الحديده
والعمر فات والذكريات
صبحت معالم في الفراغ
هانت على قلبي اللي صاغ
كل القصص بآيات عديده





وتقول ماليش ..
عندك ما أجيش
ياقسوتك
يا قدرتك
رقاص وعارف حرفتك
والغش منك يستجير
عامل كبير..
وانت اللي مالك مستوى
زي الأجير..
لك صوت نفير
لكنه ضايع في الهوى





روح شوف جراير عملتك
وانعي اللي باقي في دنيتك
ياابني دا خير
ابعد وأنا ح أبعد قوي عن سكتك
واوعاك تعيد لي كلمتك
تبت خلاص ومفيش مناص
عندي ما تلقى لك خلاص
زي الجنين اللي اتحشر
محتاج لمشرط يخرجه
وأنا ليه اختصاص
ومسيري ح اختم قصتي
بعد القصاص
بعد القصاص !!..





أكون لك عبيد..!؟

ولو راح أبوح..
ح أجيب سيرتك
ياروح الروح..
هويا عليل وكلي جروح
وفين ما باروح
بالأقي الفرحة ناسياني
وآآه.. ياني..!!
دي واخداني
لفكر بعيد..
وشوق بيعيد





أمانى معاها الذكرى
مع المواعيد
وضمة إيد..
بتخطفني وتحيني بعمر جديد
وبالتأكيد..
أنا فاكهه ومش ناسيه
وباهمس لك
تجيني وحيد..
نقضي أحلى أيامنا
ونتمسك بأحلامنا
برغم البعد والقسوه..



همس الشاعر..



ماعاد يسوى
فراقنا يزيد..
ويفضل لي المرار كاسي
ولو ناسي
ح أكون لك عيد..!؟





مايشه فاكړه..!؟

الهُوى إالى كان فى بالي
عشق دايب بالساعات
ياما أنا عشت الليالي
كنت باهمس لك آهات..!



دا فى حياتي ألف قصه
تتكتب عن روح وذات
وأنت منهم قصة واحده
فيها كل الذكريات..





عارفة إني في لحظة كانت
عشت أحلى الأمنيات
فتنى وفضلت وحدى
كان صديق قلبي السكات



حب غالي وقلب خالي
ناسي ياما كثير حاجات
مش عشانك قلبي يفنى
مش معاك تبقى حكايات





عائشه فاكهه كل ذكرى
عائشه لكن قلبى مات..!
فى الزمان أنا ح أبقى فكره
مش ح أعيد كل إالى فات..!!





قلبي حزين !!..

على طول الحياه عايشين

ومش حاسين..

قلوبنا تحب بزياده

وكالعاده ..

بننكر واحنا مش فاهمين

هوانا أصله يتبعنا

ويجمعنا مع الباكيين

ليلاتي واحنا بنزورهم

نسمعهم حروف تايهين

وتحسبنا القمر طالع..





وتحسدنا ..

ونتأمل نكون سالمين

وتفتكروا إننا عاشقين

وبنشاغل قلوب دايبين

في لحظة منا ننساهم

ونكتبهم جراح ساكنين

وح نكمل سنين جاية

مع الذكرى..

مع الأحزان..!

مع الأوراق ح نجمعها

ونتندم بقلب حزين





قلبي مات..!!

إن لقيتني في يوم نسيته
أبقى عيد الذكريات..
كنت باقعد ويا ضلي
أحكي له في كثير حاجات
يوم ما قلبي دق قال
أوعي حاسبي م اللي آت
شمس بكره يوم ما تطلع
مش ح تحسب قلب مات
أوعي يوم تاخذك جلاله
ولا تنسي إنك فتات





فين ما كنت ولا أنت..؟
واحد غير كل البنات
قلت أجرب بس أقرب
قالي حاسبي منه أحسن
تندمي على عمر فات
يوم ح تشكي يوم ح تبكي
لو دا سابك أو فراقه
هد فيكي كثير صفات
يملكك من كلمة واحد
يسحرك و عيون تبات
تسهر ليك حزينه..





تكتمي كثير م الآهات..!!
لو صحيح عاوزه السكينه
اسبقي قطر السكات..
لو أكيد يشتااق لصورتك
كان صدق قبل الممات..!؟





وأنا من زمان.. إنسان..!!

وأنا من زمان إنسان..
عاش في قلب مكان
خاني اللي كان منصان
ورماني ونساني..
رديت بفكري وهان
عمري اللي عشته زمان
أهدي الحبيب قربان..
وأغزل بحلمي تيجان
أهديها للفنان..!





ويفوتني وحداني
خبيت جروحي وكان
كل اللي شفته أمان..
أصله دا كان أحزان
وباعيشها من تاني
او عاك تلوم مين كان
شاري وكله حنان..
رامي الشبك ألوان
عاشق مالهش لسان
ولامرّه كان جاني
وباقول ياربيني ماجيت
ولا رحت أنا للبيت..





وهناك أكيد حبيب
وانصبت بجناني..
عشت الهوى أشجان
وقلوب تحن تبان
عطشان وجوفي ملان
واسقي اللي يهواني..





تفرق كثير..

محتاجه أحس بيوم هنا..
وأسمع لي حبة دندنه
محتاجه يوم ما أكنش أنا
ولا كنت أعيش من كام سنه
عائشه وحيد و مرغمه
لحياه كئيبه ومؤلمه..
محتاجه روح تروي الظما
وبلاد تاخدني م الوما
أولاد بتفرح إنما..
شايله القضايا المبهمة..





أنا رافعه ايدي للسما
وأدعي بدمعي اللي اترمي
على كل أرض مسلمه
عارفة أنا...!!
القدس عاوزة الملحمة
من كام سنه..؟؟
واقفة بعزيمه وكلما
زاد الأسى..
كانت أسودها للحمى
واحترت أنا..
ولامتي يجيي يوم هنا
أنا نفسي أشوفه وأجلي خوفه..





والكون يكون شاهد عيان
والسلم يوصل بالأمان
والطهر يظهر أو يبان
قبل الفنا قبل الفنا
تفرق كثير..!؟





بلادي ..

ياللي ما تعرف بلادي
مصر قوه ع الأعادي
مصر دي فرحه ولادي
مصر لو كانت تنادي
شعبها ح يقوم يثور



مصر بيت هيه لمة
ضمه كل عيلة لما
تتكسر ما يكون له همه
اللي ما يغيتها يغور





مصر أم لنا تدي
رغم عيبها هيه عندي
أغلي كلمة ولونها وردي
الحياة فيها سرور



مصر عيدها كان عبور
ساعة كانت في الحضور
واقفة زي الصخر قول
عدى يومها وكان بحور
م الدما تملا البوادي..





على عودي..!!

على عودی شکا عودی

وقال عودی..

ليالى الفرح هنا ليه

على عینی بکت عینی

وحر الدمع

دوا عینیه..

ودنيا صرت اشکیها

اتاریها..

بتھوی الجرح کدا فيه

مقدر لیا اھواکم





وهواكم..
يكون لغيرى مش ليه
وأنا باخشى للقياكم
يكون سارح
كما الميه..
يطول العمر وأنا وحدى
لأهه خارجه مكويه
وامتى الاقى مرساكم
بتنده لى بحنه
اعيش أنا وانتوا فى سماكم
وعش الطير
سكن ليه..!؟





واقول يا دنيا اخرتها
اغاني الفرح اكيد جايه
على عودي شكا عودي
وقال عودي..
ليالي الفرح هنا ليه..





فتنني وهجرت لي..؟؟

آه.. سقيتك من هوايا..!
حب كنت أحس بيه..
كنت أحس إنك غطايا
جنتي وقلبي اللي ليه..
كل عمري ما يساويه
كل جرح كان في قلبي
كان يقولي بعث ليه..
بعث حبي بعث ودي
مش دا قلبي اللي انت فيه..؟





فتني وهجرته ليه..؟
حتى حلمي غصب عني
تاه وسابني..
والأمل ح يموت عليه
فاضل إيه
ضعف قلبي بيقابلني
ويحاييني..
قام يقولني..
نفسي يوم تسأل عليه
أو تسلم من بعيد
هجرك أنت كان أكيد
قسمتي وخضعت ليه..





دنيا الأحلام ..

في دنيا الأحلام..
بنييع الحلم بالسكر
وفي وسط زحام
ونزيع الهم المتعكر
بكلام أوهام..
وأنت الشاطر
تعرف أكثر..
وتقول يا سلام
الحلم دا قصة محبوبه
بعلام أعلام..





والعقده تصبح مفكوكه
من أي لجام
ياسلام ياسلام
بنييع الحلم وبنفسر
مش عايزة كلام
ونشوف التوتة الملتوتة
ونصحي نيام
بنييع الحلم وتتأثر
وكأنه زكام
عطشان للفرحة إنها تيجي
من قلب ركام
لو حابب بكرة اسمع مني





بص لقدام..
وعشان حلمك راح يتحقق
أسهر أيام..!
قوم شد كتافك وريني
راح تبقي همام
وح تنسى البايع والشاري
ومنين وبكام..؟
الحلم حقيقته موجوده
قرآن وصيام..
دعوه للباري موعوده
بصلاة وقيام..





حالة وفاه !!..

ياضي عين السهرانيين..
حسيت أنا بشوقي الحزين
وحلفت أنا مليون يمين
لو يوم يقول ع اللي مضى
واللي انكتب هنا ع الجبين
لأشق قلب ليلى يهتدي
وبنور عبايتي يستكين
آه .. يا آلم !!..
كم بالقلم بحت وقلت شكوتي
كان قسمتي..





أكتم في قلبي فرحتي زي الجنين
نفسه إنه يخرج للحياه..
لكن ميعاده منتهاه
إن جه خرج تبقي نهايته
وتتوه حكايته ع الورق
وح ينكتب حالة وفاه..
آه.. من سنين راحت وعدت في الغرق..
ما بين شجون قلب اتحرق
ومعاه آهات المحرومين
ياليل ضنين..
امتى تحن وتفتكر
قلبي الحزين..؟





الرحلة ممكن تكنتفي
وف غفلة روعي تختفي
وأنا والفرح..
قضييين لا يمكن يلتقوا
لكن دا قلبي يعرفه
وأستنظره لهفه وحنين ..





يوم الافتخار ..

يا عيون صبيه ملاها خوف

والأخطبوط..

غارز حوافره ع الرفوف

والقصد موت

مالى البلد..

عض على إيدين الولد

هد السقوف..

وحيطان بتنعى قصته

تبكى على إالى كان جدع

قال الودع..

فين راح نشوف..؟





الأرض ماليها الخضار

والزراع صار..

صالح وكل بيت عمار

يأدى الكسوف

ليه الشجار..؟

والليل يحبس للنهار

أنا قلت ح أدى كلمتى

والقول قرار

من رؤيتى..

الأخطبوط

سارح وفارد للسما

وخطوط بترسم إنما

لسه الصبية مسلمه..





ومسلمة لرب الوجود

لو فيه صمود

راح ينكسر خوفها

يمحى العمى..

والبكر تولد يوم جديد

ودا مش بعيد..

فكر ورشيد

يتعد يومها ملحمة

ونقول نعيد..

غابت صحيح شمسنا

لكن وعادت بالفخار

والكل زار..

غيطنا وشارك فرحنا ..والانبهار !!..





يا.. هم روق ..

واحدف همومك ع الزمن

اسمع وفوق..

الحب ماعادلوش تمن

راح اللي راح..

واللي انكوى دا مبتلى

ولا هو حاسس بالوجع ولا بالجراح

باشفق عليك وأنا بين إيدك

والمعنى إيه..

مين يملكك..؟؟

ياحزين وساكن في الألم

جواك حمم راح تهلك





وأنت الأسير ويا العدم
ولا لك براح..
يا عم روح كفاياك جروح
وأنت اللي فاكر دمعك
أزهار تفوح..
بكره نصيبك يتعدل
وإياك تنوح..
بكره الأمل راح يكتمل
بس انت اسعى ومحتمل
تلقى اللي راح..
يا عم روق..!؟





تفرق في إيه..؟؟

لو يوم تحس نار الألم

قلبك جرى لو كان بكي

إنه اتحرم..

تفرق في إيه..؟

بالعقل ما يجوز الندم

على عمر ضاع ويا اللي باع

وأنت اشتريت من غير تمن

تفرق في إيه..؟

إن قلت آآآه..!!

ولا اشتكيت غدر الزمن..





من غير صاحب الدنيا غابه ..
فيها الضعيف تاكله الديابه
وتكون شريف وكمان عفيف
لكن اللي منك قاسي عليك
ينساك لأنك خالي النعم
تفرق في إيه..؟
لوحملوك كل الهموم
جايز تعوم ولا ح تغرق
زي الصنم..
تفرق في إيه..؟
غالية عليك دنيا الكرم
ح تحبها تشتاق لها ترتاح بها..





وانت وحيد مالك شريك
ولا لك سبيل ح يضمها
وتحن ليها تقول لها..
ارمي السلام من غير كلام
الأرض محتاجة العلام
والبذرة تطرح للسما
حب وحنان وكمان ونام..
بين الأمم..





عليه الله ..

عليه الله أنا حبك ملا قلبي

بقاله سنين..

عليه الله وأجيب سيرتك

وقلبي حزين..

أبات الليل وأنا باكية

بدمع العين

وتسرح بيا أيامي..

وأحلامي أشوفها لمين

عليه الله يا فاييتني





سنه واتنين..!
وأقول الصبر فاض بيا
وأجيبه منين..؟
داريت حبي وناديت
كما التايهين..
وكام من قلب صديته
وصنت الزين..
عليم الله أنا عايمه
في بحر البين..
وباستنى الحبيب يرجع
وأبيع قيراطين..
وأشوف بكره وأيامي





بتنظرني وتوعدني

دفا وحنين..

عليم الله لو تصدق

نكون قلوبين..

هنا والنبض يجمعهم

لا يفرقهم بعاد ولا شين

يكون الستر ويانا

وتلقانا كذا حبيبين

بيتعاهدوا على الألفه

ويجمعهم رضا الوالدين ..





ياريت تفسير..!؟

ومحتاجه أنا تفسير..!؟
لو انك شاغل أفكاري
وتحكي كثير ولا داري
أن أنا شايفاك وقلبي معاك
وجوه عيوني متداري
هو ايا كبير..
وأشعاري تجيب سيرتك
في كلمة في حرف
في قصيده..





وتنهيده...!!
ودنيا كلها جديده
بنيتها زمان
وقلت كمان..
هواك يكون كما اللمسه
حنانه كبير..
وقلبي يطير من الفرحة
ولما أغير..
تقولي أنا جيت من امبارحه
يا نور.. وعبير..
نقضي سهره صباحي





بضوء شامعه وفرش حرير

أنام وأنت بتهمس لي..

وتوصف لي الهوى تعبير

وأقول برضه في أفكاري

ياريت تفسير..!؟





يادوبه تفاهاته !!..!

وأقولك إيه أقول سلامات..؟
على الذكرى وع البسمات
على سنيني على حكايات
وساعة قلت بحنيني
غرامك مات..
وأحاول اني أفتكرك
وبألقائي في نفسي سكات
وأقولك إيه..؟
ما أنا عرفتك بتاع ستات
بتشغلهم وتلهيهم





وترسم أحلى ما فيهم
كما الروايات
وأقولك إيه..؟
أنا ناكرة زمن ماضي
وقضيته مع الأزمات
وغيرت كثير على الفاضي
ونسيتي أصول وعادات
وأقولك إيه..؟
مادام قلبك كدا راضي
ح تنساني وح أفتكرك
يادوب تفاهات !!..





اشتياق ..

كثير باشتاق أشوف صورتك
وأقضي ليالي الهجر والحرمان
ولو تسمح راح أثبت لك
وأعدي بك لبر أمان..



كثير النفس محتارة ومنهارة
وباكتب همسي بمهارة
ومن جار الحبيب يسعد
ومش فارق يكون لي مكان





وزي زمان أنا فاكـره
ومش ناكـره
ومش باقية على النسيان



كتير باتمني أكون جنبك
ومن قلبك أكون دفيان
وساعة الفرح تضحك لي
تغني لي تقول ميلي
خلاص راح نبعد الأحزان





بكل الشوق راح أندھك
وأھدي لك الأمل ألوان..
يا ساكن في القلوب أزمان
وشوقي فاض وح أكتب لك
أنا العنوان!!





أمل ..

وأعيش العمر في وعودك
وأقول جودك أكيد يسمح
في ليل ييجي يكون له نهار
ما أنا المحتار..

وأقول يمكن وإن أمكن
أكون بحار..

وأعيش في الموج هنا شويه
وأشوفك بس بعنيه
يا بلطيه..

أمل وعمار
وبالصنار..





راح أرمي الطعم في الميه
ومنه أختار..

تعيشي معايا حواليا
في أجمل دار..

وأزين بالورود اسمك
وأغنيلك بزفة وطار
دا أنا من طرف منديلك
ببات منهار..

لو الأقدار..!

ح تكتب للقى معني وتجمعنا
وأحلى كلام تسمعنا .. على الأوتار..
وأقول جودك أكيد يسمح
في ليل ييجي يكون له نهار..





تهاجر ليه..؟؟

وبتقولي إن أنا خالي..

تشمتهم كدا فيه

تفرح ليه عزالي..؟

ونقسي أد ما نقسي

وبتهون في أحوالي..

دا أنا اللي بنفسي سلمتك

حنان قلبي وراس مالي

وأنا اللي بروحي باشتقتك

وأنت تقول وأنا مالي..

دا هيه اللي بيعاني

ونساني..!





وفاكراني جبل راسخ
وأنا اللي بروحي حبيتها
وراعيتها..
وزاد الود وكان حالي
رويتك من دفا قلبي
وخليتك إمام عالي..
فرد وقول وبالحكمه
ناداني الشوق وأوصالي
بترجف كل ما أفتكر..
بعدت كثير ونسيتني
أمل عايش وكان غالي..





نفسي أشوقك حد ثاني..؟!!

حد متمك كياني..
ويقولوا لي انه شاغلك
ولا ساحر قلبي ياني
لما يتلغبط زماني..
تبقي دنيا حلوه فيها
كل شئ مالو هس ثاني
زيك أنت..؟!
شفت منك همس جاني
قال حبيبتي هيه ديه..





اللي فيها مدوباني
واللي نظره منها تكفي
حبها زود جناني
قلبي رفر ف..
دقته صبحت تعاني
قلت هوه زادني قوه
وافتكرا انه غواني
ح التقيه بره وجوه..
عمرنا يجري في ثواني
نفسي أشوفك حد تاني
حد متملك كياني!؟





قلبي ذا اللي كان يحبك..

فات عليه قطر السكات..

ياما كنت أسهر ليالي

ياما كانت ذكريات..

وأنت خالي ما أنت داري

إن ليا كثير ساعات..

أنتظر همسك يا غالي

بالنهار والأمسيات

حد تاني جوه قلبك..

تعشقه كدا بالساعات





طب واياه أنا ذنب قلبي..!؟

لما حبك واستمات..

عشق فاني منه ما أخلا

وأنت تحلى لك آهات..!

جوه قلبي ما فى تانى

راح يعيش الذبذبات..

ح أقفله وبكل قوه

وأسحقه لو حد فات..





فاكرك حبيبتي..؟!!

فاكرك حبيبتي واسمعي

قلبي اللي ليه..

دقاته لما بتطلعي

بتزيد عليه..

وإن قلت امتي ح ترجعي

وتنوريه..

أنا أصلى عايزك تشفعي

وتحسي بيه..

ياللي انتي عارفة قصتي

هنا في الحياه..





فاكر ك حبيبتي
وربي عالم بالقلوب
لما تدوب..
بتزلزل القوه اللي كانت فى الحجر
ويغرد الطير ع الشجر
وأنا قلبى لما ينامر
لازم يطاوع للهوى
وأوام يتوب..
عن كل حاجه تبعده
عن حب يمكن يسعده
ويكون هنا..





فاكرك حبيبتي والقدر
قادر يجمع شملنا
فى لحظة حلوة تضمنا
وتكون لنا
طاقة نجاه..



فاكرك حبيبتي
والوجد شاغل فكرنا
من عمرنا
تنطق شفاه..
وتجمع الحرف اللى باقى مننا





ما نقلش آه...!!

كدا والطريق

لازم ح يبلغ منتهاه



فاكرك حبيبتي اطمنى

ساعة ما قلبك ضمنى

أنا قلت ياه

هيه اللى كانت دنيتى

مستنياه..



فاكرك حبيبتي ملهمه

ومعلمه قلبى اللى تاه





وعاملة منى ملحمه
فى سنين عصاه
رديت أنا للورق
من مبتداه..



فاكرك حبيبتي
والقطر ماشى فى سكته
بيفوت فى سطر
ويعدى سطر..
وأنا أصلى لازم اتحملة
ولا أقلشى آه..!!





العفافة ..

خلاص ما بقتش ح أشتقتك
وح أتعود على الحرمان..
وح أنسى الحب موجوعه
وأرجع ثاني زي زمان..
خلاص انسى اللي كان بينا
وفاكرينه دا حب يامان
دا كله كذب ع الفاضي..
وتتسلى عامل هيمان
خلاص وقدرت تنطقها .. تقولها..!؟
سكت وقلت أنا مالي..





ماهو رافض يكون لي أمان
عرفت قيمتي أنا عندك
ومش ح أبكي ولا أفكر..
بديت تنكر لأحلامنا
وقدامنا الحياه ألوان..
قسيت ونسيت أيماننا
وهجرانك كان العنوان..
خلاص ابعده وأنا ح أبعده
وعيش أنت أيامك..
وأنا عايشة وصدقني
فهمت اني غلطانه
وان العاقله متصانه
ولا يقرب لها إنسان..





قلت أمين !!..

ياليل باكي علينا حزين

وبالملايين..

تعيش الدمعة جونا

وخانقانا..

وقلنا يامين..؟

يحوش القسوه دي شويه

وحنيه..

تطبطب لنا تتهادى

بهواده تكون أحلى سنين جايين

مع التايبين..





هناك عشنا..

وما فرحنا لقا ولا بين

ونتحول عن الأول..

ونغفر للأمل بخله عن الصايمين

يا دنيا ناسية لنا الفرحة..

ساعات جارحة وليكي حنين

تكونش الآه زواده..

وبنشيلها في أيامنا

وأحلامنا دفنها الطين..

أنا فاكده هناك كنا وكانت لنا أوهامنا

خلاص شيخنا وقلنا يا عين

حرام تبكي على ألما





دا كله جنين..
سقط منا في غفلتنا
وغفوتنا مع الضالين
ففوتي الحلم وغلاوته
خلاص ح أسكت ولا أتكلم
وقلت أمين..





أطلبه كثير..!؟

أيه اللي ممكن أطلبه..؟

ربك كبير..

عالم بحال الغني قبل الفقير

من سجدة واحده قربي

وح تطلبي..

حبه رضايا ومذهبي

وأنا أصلي إيه..؟؟

إنسان وعائش بالرضا

قلبي أسير..

وبالشفاعة بارتجي





حكم القدير..
يارب يا عالم بحال
كل العباد..
أنت اللي تغني عن السؤال
ليك الرشاد..
عبدك وجاي أشتكى
وجع البعاد..
يارب حقق مطلبي
وتكون حياتي بالهنا
عائشة بنور دينك أنا
ورسول أحبه واتبعه
كدا بالفؤاد..
ربي الكريم..





أنت العظيم..
والكل يسأل يستجير
هنا من الخير الكثير
كله بأمرك يستنير..
والشمس وياها القمر
تسجد لحكمك يا نصير
وأطلب كثير..!؟





بحلم أجيء..

بحلم أجيء ساعة أمل من يوم هنا
بالفرح ليك..
والفكر يشرد والآلم ساعة ما أجيء
يا قلب تاه عن سكته وفي زحمته
أنا قلبي مال في خطوته يسأل عليك
سمعتني يوم إنك عارفني وبص لي
راح أدوب أنا في نظرة عينيك
اهمس بكلمه ودق لي
ح افتح شاريك..
العمر تكمل فرحته وحلاوته لما نجتمع





وأنا بين ايديك..
باحلم أكون ورقة في كتابك
والفرح يبجي لسكتك ويدق بابك
وإن جيت في يوم أسأل عليك..
ح تكون أكيد ويا الأمل والسعد جابك..





مش أي فراق ..

ح تداري عني الأشواق..
وفراقك مش أي فراق
دا حيطان البيت والأوراق
راح تسأل وتقول حواء..
كات سبب الغيرة إالى أنا فيها
وحكاوي ليالي وغناويها..
وح أقولك روح اجري عليها
ح نشوف الآخر مين ليها..
مين صادق مين اللي حاميها..
دى حيطان البيت وأنت شاريها





ح تفوت الدار وتخليها
وتكون البايع والسارق
لأيام خافت إني أحكيها..
وأقولك ليه أبكي عليها
كان فيها أيام كنت تجيني
وتقولي حبيبتي نور عيني..
أوهب لك عمري يا..حياتي
وتكوني الحاضر والآتي
وأكون البادي في حكاياتي
دا نجوم السما أنت ماليها
وكلامك حلو محليها..





والآخر تمشي في خطاويها
وتفتني ولا غيرك ليه..
محتاجه الدفا والحنيه
دى الكلمة الحلوه تهنييني
لجناح الشوق ح توديني..
وأقول لك حاضر يا حبيبي
دى النظرة منك تحييني..
وتكون الغطا وتدفيني..
ح تداري عني الاشواق
دا فراقك مش أي فراق..





عيون صبيه ..!!

يا عيون صبيه ملاها خوف

والأخطبوط..

غارز حوافره ع الرفوف

والقصد موت..

مالى البلد..

عض على إيديين الولد

هد السقوف..

وحيطان بتنعى قصته

تبكى على إالى كان جدع

قال الودع..!

فين راح نشوف..؟





الأرض ماليها الخضار

والزراع صار..

صالح وكل بيت عمار

يأدى الكسوف

ليه الشجار..؟

والليل يحبس للنهار

أنا قلت ح أدى كلمتى

والقول قرار..

من رؤيتى

الأخطبوط..

سارح وفارد للسما

وخطوط بترسم إنما

لسه الصبية مسلمه..





مستسلمة لرب الوجود

لو فيه صمود..

راح ينكسر خوفها

يمحى العمى..

والبكر تولد يوم جديد

ودا مش بعيد

فكر ورشيد..

يتعد يومها ملحمة

ونقول نعيد..

غابت صحيح شمسنا

لكن وعادت بالفخار

والكل زار..

غيطنا وشارك فرحنا ..والانبهار...!!





بحبك بلادي..

بحبك بلادي

علينا تنادي

ولادي ولادي

وفينا الأمين



بحبك مناره

وليك الأماره

حضارة بلادي .. آلاف السنين



بحبك زياده

وأنول الشهاده





تعيش السيادة

واسمك يزين



بحبك وحبك

ولادة جنين

بيكبر في عيني

وباحمل حنيني

إذا غبت عنك

مئات السنين



بحبك بلادي

وسهم الأعادي





بيضرب بقوه

في نيلي الحزين



وربي اللي شاهد

معانا يساند

وندعي نقوله

إلهي المعين



تسد خطانا

ونوفي الأمانة

وكل اللي جانا

يقولك آمين..





برهان !؟..

برهان دا كان قلبك..
ساكنه الهوى بزمان
ليه ترضى نار بعدك
وتزود الحرمان..
ليه ترضى أكون جنبك..
وأنت تعيش ولهان
خايف تقرب لي
لتطورك الأحزان
فاكر هوانا أشواك
وتقدم الغيره





عائش في ليل يهواك
بالقهر والحيره
لو كان هوايا هواك
ح تحن للسيره
عاشقة لليل دنياك
وتقولي يا أميره
أفرح بيوم لقياك
وألقي الحياه بأمان !!..





دنيا مغروره !!..!!

دنيا مغروره وكدايه
عاشيين في جحور
دا احنا في غابه..!!
لو يوم ح نقول احنا غلابه
بتاخذنا في طوعها
برتابه..

عاشيين راضيين احنا بحالنا
وكفاية علينا اللي جرى لنا
بنقول الكلمة وأحوالنا





تشهد ع الظالم وأصحابه..
ضنيتي علينا بالغالي..
ومقامك واطي ومش عالي
بتذلي نفوس وتقولها لي
لو ناصح دوس أو تعال لي
قدامك أنا مقهور مالي..
غير شكوى باقولها ويحلالي
النوم في ساعة راحه وخالي..
وأنت اللي قسيتي و في بالي
الرحمة تجوز لو كان والي ..





مكانك في القلوب..

مكانك في القلوب بيدوم..

وقلبي بالهوى مهموم

تشاكيني وأنا أعاتبك

وأقول منك أنا محروم

يا ويل عمري مع الخالي



وموالي على بالي

بيوصف كل أحوالي

وكان شوقي بيحلامي

وأعيش وياك في حالة صوم..





وطيفك راح ولا جالي..
وتهجرني ساعات النوم
يفيض بي أجاري اليوم..
وأتاريني في وعود بالكوم
وباستناك وليلي يلوم..
يطول سهري وأنا شاري...!!





حلمي كان!؟..

حلمي كان..
أنتظر لحظة أمان
لما أكون وياك في قربك
وقتها يحلّ الزمان
والمكان..
ح يكون خميله
ضلة دافية والوسيله
عهد يغلب ألف حيله
والهوى بينا عشان..
قلبي حبك داب في قلبك





وانتصر من غير أوان
حلمي كان.. حلمي كان..!؟
معشوق يحبك..
زي ضلك يبقى جنبك
وأنت في قربك وبعدك
تعشقه وتدوب كمان
حلمي كان..!؟





صلوا.. يا زوار..

ماتصلوا يازوار..
صلوا فى قلب الدار
على النبى المختار
من نوره يهديننا..
بالذكر والترتيل
تلقى القلوب بتميل
وتحن لنبيننا..
مشتاق بقالى زمان
وقراية القرآن..





توصلنا تحمينا
ربى بعت لى دليل..
وفى حكمة التنزيل
باب العبور لنا
وأدى العيون تحتار
شايفه كتير أنوار
من قبته تجينا
يا فرحة الزوار
بالبشر م الأخيار
واحنا إالى هنيئا..





نبينا محمد ..

نبينا محمد عليه السلام..
شفيحنا وهادينا فى يوم الزحام
باصلى وأسلم يا مسك الختام
عليك الصلاة عليك السلام



ويوم كان نادانى ما بين الأنام
وقال لى انت مالك عليكى الملام
يا عبده وسجينه وشايفه السفينه
وغيرك بيركب وصاحى تمام
عليك الصلاة عليك السلام..





دا فيه المواجه وفيه الابتسام
وفيه إالى جرب وفيه إالى نام
ح تلقى إالى ساجد مابين الظلام
وعاشق لربه ويحي المقام
وتلقى إالى بايع وشارى الغيام
يتاجر بدينه ويهوى الحرام
عليك الصلاة عليك السلام



فصونى الأمانه وفكى اللجام
وصاحبى فى طريقك قليل الكلام
يسبح ويحمد ويرمى السلام
ويرضى نبينا يعيش الونام





وليه السعاده تكون بانسجام..؟
ما دام ربه حبه وأصبح إمام
بنور من نبينا وصار للأمام
عليك الصلاة عليك السلام



ياحابه المعاصى وعيشه اللئام
بذكرك نبينا تحسى التحام
تشوفى إلى جدد حياته وقام
وصلى وسلم وسبح وصام
وراجع ضميره فنال المرام
عليك الصلاة عليك السلام..

